

Izjava višeg zamjenika visokog predstavnika, Bernarda Fassiera nakon ceremonije u Potočarima

Nakon što je u nedjelju u Potočarima prisustvovao obilježavanju godišnjice događaja u Srebrenici i dženazi, viši zamjenik visokog predstavnika Bernard Fassier, koji je odgovoran za rad Odjela za vladavinu zakona pri OHR-u i koji je glavni sagovornik međunarodne zajednice sa Komisijom za Srebrenicu u RS, dao je sljedeću izjavu, u ime visokog predstavnika:

“Ja i drugi članovi međunarodne zajednice danas smo bili prisutni u Srebrenici kako bismo odali svoju poštu žrtvama najgoreg zločina koji se dogodio u Europi od svršetka drugog svjetskog rata, da podijelimo tugu sa porodicama koje su izgubili svoje najdraže, da izrazimo svoju sućut i kako bismo potvrdili našu odlučnost da osiguramo da oni koji su odgovorni za strašni zločin koji je počinjen ovdje prije devet godina (a koji je ICTY kvalificirao kao genocid) budu izvedeni pred lice pravde.

“Kao viši zamjenik visokog predstavnika zadužen za koordiniranje napora s ciljem jačanja vladavine zakona, dozvolite mi da izrazim svoje najdublje uvjerenje da uspješan razvoj ove zemlje – kroz pravdu i pomirenje – zahtijeva od svih nas da iskoristimo lekciju tragične prošlosti da bismo gledali naprijed i pripremili i osigurali budućnost generacijama koje dolaze.

“U tom smislu, rad Komisije Vlade RS za Srebrenicu predstavlja važan korak u pravom smjeru, premda još mnogo toga ostaje da se uradi. Isto tako, važna je i nedavna izjava predsjednika RS

vezana za ovaj zločin. Zadovoljan sam što mnogi ljudi u BiH, uključujući više zvaničnike bošnjačke zajednice te više političke predstavnike bošnjačkih političkih partija priznaju da bi ono što je rekao gospodin Čavić moglo predstavljati tačku preokreta i ukazivati na jedan novi duh koji će pomoći Bosni i Hercegovini da krene naprijed na dugom i još uvijek teškom putu pomirenja.

“Također sam sretan što se gospodin Tihić, u svom današnjem govoru prije sahrane 338 žrtava, pozitivno osvrnuo na rad komisije za Srebrenicu i nedavne izjave političkih lidera Republike Srpske.

“Današnja ceremonija je samo naglasila značaj toga. Žrtve i njihove porodice neće biti zaboravljene. Pravda mora biti provedena. Istovremeno, od prošlosti možemo pobjeći samo onda kada je istina u potpunosti utvrđena, oni koju su odgovorni suđeni i osuđeni i kada je upućeno izvinjenje (ovo nije manje važno) i kada je to izvinjenje shvaćeno i prihvaćeno.”